

Mál nr. 158/2018**M og
V vegna ábyrgðartryggingar X****Uppgjör tjóns skv. váttryggingasamningi vegna slyss 16.9.2015.****Gögn.**

Málskot málskotsaðila, móttakið 22.5.2018, ásamt fylgiskjölum.

Bréf V, dags. 4.6.2018, ásamt úrskurði í máli nr. 293/2016 og váttryggingarskírteini ábyrgðartryggingar X.

Málsatvik.

Í málskoti kemur fram að eiginkona M slasaðist þegar hún féll af reiðhjóli við Skeljanes í Reykjavík. Með úrskurði í máli nr. 293/2016 komst nefndin að þeirri niðurstöðu að greiða ætti eiginkonu M skaðabætur úr ábyrgðartryggingu X vegna tjóns hennar og tók þannig undir þau sjónarmið sem V hafði í málinu gagnvart váttryggingataka sínum, X. Bætur voru greiddar úr ábyrgðartryggingu X 6. nóvember 2017 með þeim hætti að 194.963 kr. voru dregnar frá bótum vegna svokallaðrar eigin áhættu váttryggingartakans X.

M telur að V eigi að greiða bætur að fullu, þ.e. að félaginu hafi verið óheimilt að draga frá greiddum bótum sjálfsábyrgð váttryggingartakans X, sem hafi ekki greidd ofangreinda fjárhæð til eiginkonu M þrátt fyrir kröfur þar um.

V vísar til váttryggingarskírteinis milli félagsins og X þar sem samið hafi verið um að eigin áhætta í hverju tjóni sé 10%, minnst 100.000 kr. og hæst 1.046.000 kr. V kveðst hafa í umræddu máli greitt bætur í samræmi við váttryggingarsamninginn, þ.e. 90% af tjóni eiginkonu M og fari slík ráðstöfun ekki í bága við samninginn eða lög um váttryggingarsamninga og vísar þar einnig til dóms Hæstaréttar í máli nr. 78/2014.

Álit.

Í dómi Hæstaréttar í máli nr. 78/2014 eru tekin af tvímæli um að greiðsla bóta úr ábyrgðartryggingum til tjónþola fari eftir samningi váttryggingafélags og váttryggingartaka um eigin áhættu (sjálfsábyrgð) hverju sinni. Réttur eiginkonu M til bóta úr ábyrgðartryggingu X verður því ekki ríkari en kveðið er á í váttryggingarsamningi X og V og gera lögskýringargögn vegna laga nr. 30/2004 um váttryggingarsamninga beinlínis ráð fyrir þeirri tilhögun. Verður því ekki fallist á að eiginkona M eigi rétt á frekari bótum úr ábyrgðartryggingu X hjá V.

Niðurstaða.

M á ekki rétt á frekari bótum fyrir líkamstjón sitt úr ábyrgðartryggingu X hjá V.

Reykjavík, 12. júlí 2018.

Þóra Hallgrímsdóttir lögfr.

Guðmundur Stefán Martinsson lögfr.

Lúðvík Bergvinsson lögmaður